



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Theophili Bernardini E Societate Iesv De Religiosæ
Perseverantiae Præsidiis Libri XI. ...**

Bernardin, Théophile

Antverpiae, 1622

Cap. I. De exemplo Sanctorum.

[urn:nbn:de:hbz:466:1-47032](#)

LIBER SEPTIMVS,

De Beatissimæ Virginis patrocinio, & imita-
tione Sanctorum.

Non possum quin eius, cuius amorem imis visceribus inditum, auxilium quoquis tempore, quibuscumque in rebus semper experitum esse oportet, Beatissimæ misericordiae matris mentionem faciam. Est enim & perseverantia, & æternæ salutis præsidium certissimum, cum ab illa, & per illam bonum omne miseris mortali bus obueniat. Sed prolixioris id esset scriptio, nec satis huic consentanea sunt in hoc argumento feliciter versati P. Platus, P. Costerus, P. Spinelli, ac proprium adhuc prælo calens P. Ioannes Bourghesius de Patrocinio Deipara ad homines Societatis, præ quibus par est ut in infantia mea conticescat. De eiusdem imitatione, aureus etiam exstat P. Ariæ tractatus. Hos si consules, nihil ame desiderabis.

Hærebo in Imitatione Sanctorum, quæ & iucunditatis & præsidij non pa rum ad omnem perfectionem & perseverantiam confert, dum & eorum notio permouet, & apud Deum exoratio promouet. Non latius me esteram, sed quædam potiora lectabor.

C A P V T . I.

De exemplis Sanctorum.

*I.de bono
pudic.n.4.
Pacat.*

*Greg.l.9.
Mor.c.35.
vel 43.*

Plus proficitur cum in rem presentem venitur, inquit D. Cyprianus, nec de virtute dubitatur, quando quod præcipitur, exemplis etiam signatur: nec raro fit, ut exstant homines imperata correctio, at blandissime iubetur exemplo. Ideoque bonus & milericors Deus electorum vitam prauitati nostra contrariam, ad arguendos nos instruendos que multiplicat, ut qui præceptis non accendimus, saltim exemplis excitemus, atque in appetitu rectitudinis, nil sibi mens nostra difficile astimet, quod perfectè peragi ab aliis videt. Ita sanè, si præterita retrò saecula memoria repetere velimus, multas, calque mirabiles animorum conuersiones, ex hoc emanasse fonte reperiemus: atque ut ne totam Christianæ religionis amplitudinem, tum exemplis virtutum, tum ada-

adamatæ fortitudini Martyrum deberi dicam, ut innumeræ Religiosorum caternas omittam quæ se totæ ad vnius vestigia sectanda contulerunt: nōnne clariſſimum Ecclesiæ lumen Augustinum, ē fœdissima & impotentissima multorum annorum seruitute, in libertatem filiorum Dei, Sanctorum aſſeruit exemplum? Quid: Ignatio nostro, qui totidem propemodum annos, ambitione vanitati le mancipio dederat, quis aurem vellicauit, aperuit oculos, ad sanctiora excitauit, & ad perfectionem viam commonstrauit, nisi lecta, oportata, perpensa exempla Sanctorum? Posthos alium villum commemorare paret: si enim tantos cō vsque promouere potuerunt, quidni in ceterorum omnium animis multò faciliora persuadere posse credantur?

Neque verò tarditatis & cunctationis aliquorum insulsam eam occasio nem moror, qua hoc ipso se retardari ab insequendis ijs afferunt, quod vident esse facta abs illis qui se vulgo secernentes, longè supra ceteros extulerunt: nam præterquam quod stultam & absurdam eam excusationem meritò nuncupat S. Chrysostomus, his præterea ipsis verbis abundè confutat. Ille De compunctione l. 1.

Paulus erat, ille Petrus erat, ille Ioannes erat, inquis, qualis ego non sum, ideoque quod potuere non possum. Quid est, Ille Paulus erat, dic mihi: quid est, Ille Petrus erat? Nōnne eiusdem naturæ erant cuius & nos? nōnne eadem via ingressi sunt mundum, qua & nos? nōnne eiusdem cibis vtebantur, atque eundem respirabant aërem? nōnne ipsis vita vobis agebantur? nōnne aliqui ipsis etiam coniugia experti sunt, & liberos procrearunt? Quidam verò ipsis etiam opifices communium artium erant. Alij verò, & lapsi perpeti sunt peccatorum, atque in ultimum malorum barathrum deciderunt. Sed multum, inquit, gratia illi acceperunt à Domino. Si quidem mortuos suscitare iuberemur, aut oculos aperire catorum, aut mundare leprosos, aut claudos erigere, aut demones effugare, aliasque his similes sanare egritudines: si operationum virtus quereretur, locum haberet ista responsio: si verò vita à nobis obseruantia conuersationisque requiritur, si obedientia perfectio; quid facit ad hec ista narratio? Et tu enim accepisti gratiam Dei. Ac mox, quibusdam interiectis: Sed quoniam non solagratia Dei hoc agit: requiritur enim vt & nos, quod in proposito nostro, & viribus nostris est expleamus: idcirco, venit quidem ad unumquemque gratia Dei, sed apud eos qui dignè expletæ aquæ mandata ipsis sunt, permanet: ab iis verò, qui minus dignè agunt, cito discedit. Rectas enim mentes diligit, & sine fuso propositum. Et tu quidem, si facias omnia qua in te sunt, sperare debes qua à Deo Orat. quod nemo led.

sunt: aderit namque & tibi, si tu ipse prius non defueris tibi. Nostrum tantum, inquit D. Cyprianus nisi à se. Epist. 2.

statim pellus & pateat: quantum fidei capacis afferimus, tantum De solit. vita.

gratia inundantis habemus. Quam in rem aptè admodum, & vt solet excitatè D. Bernardus: Omnes nobis causamur deesse gratiam, sed iustius forsitan ipsa sibi que- Serm. 17. de

ratur gratia, deesse nonnullos. Omnipotens & bonus est Deus — qui magno eius amo- dius, magna profertenibus, & infide & spe gratia eius maiora suis viribus aggredienti- bus, & voluntatem, & desiderium suggestum in id ipsum, & qui voluntatis gratiam vita. præ-

prerogavit, subrogabit etiam virtutem ad prouentum. Cui cùm fideliter fecerit homo quod potuerit, calumniante calumniatore, ipse misericorditer pauperi suo indicium faciat, quia quod habuit hoc fecit.

Sed hæc obiter dicta sint, ne quis animo contrahatur, & inde retardetur, unde incitari debuerat: sanctius & verius cogitant, qui se illis quorum beatitudinem æmulantur, viræ quoque bonitatem assimiles esse desiderant. Verissimè quippe Magnus ille Basilius, *Quaratione*, Inquit, qui Sanctis disparest fuerimus,

*Proem. in
reg. fus.*

vita beatitudinem, & æquale eum Sanctis, in celesti republica ius municipium, & cum angelis inenarrabilem letitiam, ante Christi conspectum nobis pollicemur: Proclus amentium est, talia secum comminisci. Quomodo enim vna cum Iob potero ego collari, qui ne vulgarè quidem afflictionem, vñquam cum gratulatione suscepimus? Quomodo cum David, qui lenitatem aduersus hostes non adhibuerim? Quomodo cum Daniel, qui non per continentem abstinentiam, & precatiōnē sedulam, Deum exquisierim? Quomodo denique cum singulis sanctis viris, qui illorum vestigia secutus non fuerim? Quis queso ludorum gymnicorum arbiter adeò nullo est iudicio, qui paribus censat opere coronis dignari, & qui ex certamine victores euaserint, & qui nullum in certaminibus laborem suscipere voluerint? Quis exercitus duxor vñquam in æquam partem peditæ, cum victoribus vocavit eos, qui nusquam in proelio comparuerint? Atenim bonus est Deus: at idem etiam est iustus. Porro iustitia proprium est, ut suum cuique promeritor datur: sicut scriptum est, Bonis benefac Domine, declinantes autem in obligations abducet Dominus cum operantibus iniuriam. Ita quidem Sanctus ille, de Sanctis loquitur: quæ si quando attentiūs cogito, mei sanè me non parum, & piget, & pudet: itaneverò de tua, Beate P. Ignati, in cælis in æternum societate adeunda, & gloriæ hereditate herciscunda cogitem? quin potius cum Publicano, cum filio Prodigo defixis humili oculis, tanta exaltatis aspectu me profitebor indignum. quid enim? quamcumque melioris vitæ tuæ partem introspexo, multa eam virtute coruscantem intuor meam verdè, desidis & ignavia torpētis, omni bono destitutam: quā feruentes in te fuete vita melioris exorsus! quā constans, & nusquam remissus ad extremum usque cursus! quā acriter de superiore & licentiore vita pœnæ sumtae! quā omnis cuiuscumque rei, vel famæ vatis amor medullitus è corde sublatus, totusque in Deum ardentissimè translatus! quantus deuotionis fero, actionis circumspectio, nusquam à Deo exerrans, & nihil non caritate complectens cogitatio! quot, bone Deus, & quanti labores exantlati! quā indefessa diuini honoris promouendi cum quanta in excelsissimo animo humilitas, in prudentissimo viro simplicitas, in distractissimo præsentia animi, in iracundissimo mansuetudo, in morbis clangido robur! quanta denique omnium corporis motuum, affectuum, cogitatuum, sub vna moderatrice ratione, & quā ordinata compositiō quan-



quantus, ut verbo dicam, quamque perfectus concentus & quasi quædam encyclopædia virtutum! Hæc si contemplatus fuero, oculisque ad me misellam conuersis, contraria omnia in me deprehendero, quid mihi nisi pudor, nisi flatus restat, & timor, ne diuersa sestantem, diuersa maneant loca, & æternæ participatione mercedis excludar, qui cæcumdem virtutum nitore, minus compierar exornatus. Sed tamen hic pudor, hic timor conatum acuat: nam & nobis magna vincendi necessitas incumbit, conantiq[ue] quod in se pro virium suarum modulo est, numquam deest bonus Deus, qui omnibus bona & iusta volentibus, æternitatis suæ gloriam patere, pro summa sua largitatis immensitate decreuit.

Sed satis vniuersè de exemplo sit dictum: cuius duplex est vis, una & potissima, & ad quam cetera referri debent, est imitatio: altera multiplici, vel cognitionis, vel solatij, vel utilitatum aliarum capite continetur. De vtraque dicamus, sed de imitatione primùm.

C A P V T II.

Quid sit imitatio: eius origo, antiquitas, & necessitas.

Miratio est, vnius, aut plurium actionum, ad alteram nobis propositam, quæstra & de industria affectata conformatio: cuius clarissimum in pictoribus exemplum videmus; quorum ars tota, eiusque artis summa perfectio, in imitandis atque referendis rerum formis, figuris coloribusque consistit, & quo proprius ad eorum similitudinem accederint, viuasque quodammodo aspirantes imagines expresserint, tanto absolutoria sua artis opera edidisse censemur. Id ipsum tota humana vita sic usurpat, ut latissimè per omnes eius partes imitatio peruergetur, iamque assiduitate nimia notari desicerit: vnius enim nationis, & ciuitatis, quid est cur ijdem mores, vestitus idem, idem oris sonus, incessus, habitus, arma, studia, victus est, nisi quod vicinia, frequentationem; frequentatio, amorem; amor, eius quod cernebatur & probabatur, imitationem peperit? inde hæc ipsa se frequenter dispertit in familiis; quando haec sui generis aliquem, vel auctorem, vel illustratorem admiratae, ad idem, quod ipse tenuerat, vitæ institutum domestica incitatione rapiuntur. Non raro etiam, sua singulis est imitatio propria, cum insito quodam à natura imperu, laudabili quidem ut plurimum, sed & nonnumquam viciose, certam in partem delati, id æmulantur, & consequi contendunt, quod in aliis mirantur, & putant optimum. Cumque infinita quædam propensionum varietas in hominibus reperiatur, inde tot dissimilia existunt studia in di-

Nnn

uer-